

善本書室藏書志

善本書室藏書志卷三

錢塘丁丙松生甫輯

經部五

監本纂圖春秋經傳集解三十卷

宋刊本

杜氏

是書前序後題唐國子博士兼太子中允贈齊州刺史吳縣開國男陸德明釋文附一條首行集解下題某公第幾次行夾注德明音義再次行低五格題杜氏中空五格盡幾年每半葉十行行二十字夾注小字行二十四字中有重言重意似句互注諸例俱加方圈每版左綫外標某公幾年凡句之同者爲重言意之同者爲重意句之似者爲似句及見於他經者爲互注末有預後序蓋宋人帖括之書也遇桓讓慎貞匡儀敦多闇筆內配襄四第十七題監本重言重意春秋經傳集解行數字數與

藏書志卷三

一

第十七同是當時不止一刻也 天祿琳瑯載此目并載監本  
纂圖重言重意互注點校毛詩又纂圖互注周禮稱其字畫流  
美紙墨亦佳信爲錄本之精者此本亦猶是耳惟昭公二十年  
衛侯賜北宮喜析朱鉏謚注云皆死而賜謚及墓田傳終言之  
仍與岳氏相臺雕本同誤衍未字而字耳

春秋經傳集解三十卷

明瞿相臺岳氏刻本 施氏杏雨樓藏本

杜氏

海昌陳鱣仲魚經籀跋文有是書云首題春秋經傳集解隱公  
第一次低四格杜氏注越三格盡十一年次傳文起每葉十六  
行行十七字注雙行附釋音每葉末上刻篇識經傳俱加句讀  
前後序俱全惟無亞形相臺岳氏刻梓荆溪家塾印耳明時繙  
刻有三晉與杜林合注校之方知合注本之誤隱元年傳非君  
命作公命二年傳費府父作序父三年傳百祿是苟作是何四

年經庚戌衛州吁弑其君完作戊申公及宋人遇于清作宋公  
七年傳告終嗣也終下有稱字九年天子使南季來聘作天王  
十一年傳遂與鄭氏歸而立其主作尹氏桓二年傳以照臨百  
官作臨照五年傳况敢凌天子乎作敢陵六年齊使乞師于鄭  
齊下有侯字十年傳乃獻又求其寶劍獻下有之字十一年經  
公會宋公子夫鐘作夫鍾十七年傳疆場之事作疆場後仿此  
莊六年傳必度於本末作度其八年經殺其君諸兒作弑其傳  
刦而束之作劫而十八年傳遷權於那處作那處二十一年傳  
王巡守號作號守二十二年傳使爲工政作工正鳳凰子飛作  
鳳皇二十三年傳王有巡狩作巡守閔二年傳及狄人戰于榮  
澤作熒澤僖元年經獲莒擎作莒擎傳君子以齊人殺哀姜也  
人下有之字九年經晉侯詭諸卒作危諸十八年傳而從師于  
訾婁作訾婁二十三年傳懷其安實敗名作與安二十四年傳

文藏書志卷三

二

屏括樓嬰作樓嬰二十五年傳晉于是始起南陽作始啟乃降秦師囚申公子儀重秦師二字二十八年傳命晉侯脩作侯省及其元孫作及而三十年傳焉用亡鄭以倍鄰作陪鄰文五年傳楚子變滅蓼楚下有公字六年傳辟刑獄作獄刑謂之得禮作德禮十一年經會郤缺于承筐作承匡十四年傳處戢犧戢梨下同十五年經齊人侵我西鄙齊上有秋字傳蔡侯鄭伯許男曹伯盟于扈蔡侯下有陳侯二字十六年傳楚子乘驛作乘駟鱗驛作鱗驛賜左右以使行作而使十七年傳而從於疆令作疆令宣四年傳汰軻作汰軻楚人爲乳穀作謂乳下爲虎同九年傳厚賂之作厚賂之十一年傳反之可乎曰可哉曰上有對字十二年傳屈蕩戶之作戶之又何以爲京觀乎作可以成二年傳士燮將上軍作佐上眾之不可已也可下有以字九年傳謂修好結成作請修十三年虔劉我邊陲作邊垂而我之

子姻也無之字十五年傳會吳鍾離吳下有于字襄九年傳公  
族穆子有廢疾作廢疾十年傳伐我西鄙作侵我十三年傳獲  
保首領以歿於地作以沒十四年傳吾今實過作吾令夫君神  
之主也民之望也上也字作而十年傳聊叔紇作鄒叔妨于農  
功作農收十九年傳穆叔曰叔下有歸字二十一年傳樂盈出  
奔楚樂上有秋字二十二年傳鄭游販作游販二十三年傳非  
鼠何如作如何二十四年傳樂只君子作樂旨後只同二十五  
年傳賦兵車徒卒作徒兵二十七年經冬十有二月乙卯朔作  
乙亥傳晉荀寅遂如楚涖盟作荀盈二十八年傳武王有亂臣  
十人無臣字二十九年傳展玉父作王父三十一年傳年均擇  
賢作年鈞下句同昭元年傳趙孟曰天乎作天乎三年傳豆區  
釜鍾作釜鐘四年傳咸尹宜咎作箴尹五年傳自王以下作已  
下明之未融作明而九年傳饋宰屠蒯趨入作膳宰十年傳邾

人辭人下有膝人二字十三年傳饑者食之作飢者十九年傳  
鄭陽封人之女作鄭陽二十五年傳吾聞文武之世作文成戮  
力壹心作勳力二十八年傳條安楊氏大夫作陳氏三十年經  
徐子章羽奔楚作章禹定元年傳凡從公出作君出四年傳子  
泓漢而與之上下作沿漢五年傳民之攸墮作攸暨八年傳獲  
叔子與析朱組作朱鉏十五年傳事死如事生無下事字十六  
年傳日月以幾作日月十七年傳言過於其志作吉過二十三  
年傳非敢耀武也作耀武二十六年傳獻公孫於衛齊無衛字  
大都與唐石經合其注之勝于今本者尙多茲不具述此本惟  
百祿是荷不作何餘悉如陳仲魚所勘本當明翻三刻之一也  
有古瀛洲施氏杏雨樓藏書印

春秋經傳集解三十卷

東瀛翻宋本

杜氏注

首題春秋經傳集解某公第幾次行題杜氏注越三格題盡某  
年前有杜預序經傳字有與今通行本異者與唐石經相臺本  
合是書真宋監刊不附音義卷末載經若干字注若干字後序  
末載凡三十四萬五千八百四十四字春秋宋版不止一刻此  
爲倭刊影宋每半葉九行行十七字注文雙行惟無預後序及  
經注字數耳

附釋音春秋左傳注疏六十卷

宋刊十行本 李鹿山藏書

國子祭酒上護軍曲阜縣開國子臣孔穎達等奉敕撰國子博士  
兼太子中允贈齊州刺史吳縣開國男臣陸德明釋文

前有穎達正義序每半葉十行行十七字注疏每格雙行行二  
十三字傳與經皆平格經文每年下皆接書但冠以圈不提行  
注與釋文不混如桓三年傳齊侯送姜氏下云齊侯送姜氏本  
或作送姜氏于驩公子則下卿送公子公女但作小字以圈隔

之與宋本同蓋作釋文不作注也汲古本則作注矣襄十一年傳無所不諧注九合諸侯下云云亦釋文加圈以別之汲古本則直作注矣故阮氏謂六十卷本爲注疏中之最善者且無一補修之葉有松陵京兆圖書東海漁人河間李二曾在李鹿山處諸印按鹿山名馥泉州人康熙甲子舉人厯官浙江巡撫藏書多善本見王應奎柳南隨筆

春秋左傳注疏六十卷

明閩刊本

葉氏得一居藏書

晉杜氏注唐孔穎達疏陸德明釋文

首有春秋正義序題國子祭酒上護軍曲阜縣開國子孔穎達奉敕撰卷三十尚存刻版未盡之明御史李元陽提學僉事江以達刊校一條版心下有刻工姓名接宋淳化庚寅所刊春秋左傳正義官本屢元庚申吳興沈中賓重刊有序爲三十六卷自附釋音本作六十卷此本卽依其分卷而後之監本毛本更

春秋公羊傳二十卷明刊本

此書前無序言版匡狹窄半葉十行行十八字棉紙初印文多與石經相合後有朱字記庚寅四月十日點完一行當爲明人手題豈爲萬曆十八年耶

監本附音春秋公羊注疏二十八卷

宋刻十行本 唐仁壽藏書

何休學

卷首有景德二年六月中書門下牒文及工部侍郎參知政事馮兵部侍郎參知政事王兵部侍郎平章事寇吏部侍郎平章事舉四衛次漢司空掾任城樊何休序每卷某公俱與大題相通每葉二十行行十七字小字行二十三字間有元明補刻之葉岳倦翁云舊新監本不附釋音此監本亦附音當出岳氏所見刊本之後而東瀛經籍訪古錄載有是書作元槩本謂元大

德四年刻十三經之一明正德補刊所謂十行本者天水耶蒙古耶當再攷之有鷗寄室王氏收藏王錫璵海昌唐仁壽諸印仁壽字端甫號鏡香海寧人諸生讀書好古遊錢警石之門購求宋元善本參校同異著有諷字室詩稿

春秋公羊注疏二十八卷

閩刊校宋本

楊芸士藏書

漢何休學

前有景德二年六月中書門下牒文及馮王寇畢匹銜次漢司空掾任城樊何休序大理太和李中溪按閩時所刻十三經之一每卷首葉第三行竝署云明御史李元陽提學僉事江以達校刊初印本各經皆有校刊一行此本惟序首猶存每卷則已削去或補一木條欲刻疏人而未刻乃修版者爲之非翻本也江叔濱聲以宋本校刊通用朱筆圈點眉間錄稱松崖師校語如隱二年之怨結禍構監本脫一搆字隱三年之貶去名言氏

者監本言字誤者均補改轉較阮氏校勘記爲勝矣有江聲叔  
漢氏江沅文通後人海甯楊芸士藏書之印諸圖章聲字叔孺  
一字鯨濤號艮庭元和人嘉慶元年舉孝廉方正子沅字子蘭  
號鐵君優貢生工填詞芸士名文蓀字秀實海甯貢生邃經學  
有述鄭齋集

春秋穀梁傳十二卷

明刊本

一公一卷經文多與石經合與公羊傳同一版刻前亦無序

春秋穀梁注疏二十卷

明闡刊本

葉氏得一居藏書

晉范甯集解唐楊士助疏

此爲明李御史元陽刊前有范甯序案天祿琳瑯宋版穀梁  
注疏載與明監本不同者如桓二年臣旣死君不忍稱其名明  
監本脫此句此不脫莊二十五年鼓用牲於社明監本脫此句  
此不脫僖十年吾若此而入自明明監本脫吾字此不脫二十

藏書志卷三

六

二年旌亂於上明監本脫亂字此不脫二十有三年茲父之不葬明監本脫茲父之三字此不脫成十有六年猶存公也明監本存謔在此不謔哀元年故卜免牛也明監本牛謔卜此不謔六年可以吉弗受也明監本可謔何此不謔畧舉數條均與宋合可以知其善矣有得一居珍藏印

監本附音春秋穀梁注疏二十卷宋刻十行本

唐仁壽藏書

范甯集解楊士助疏

前范甯序下題國子四門助教楊士助撰國子博士兼太子中允贈齊州刺史吳縣開國男陸德明釋文序文標題下多一傳字每卷某公與大題相連每半葉十行行十七字注疏俱雙行行二十三字經傳不別如元年春王正月卽接傳文不標傳字與石經合傳下集解亦不標注字惟疏文則冠一大疏字於上有元明補刻之葉有鷗寄室王氏收藏海昌唐仁壽兩印

春秋啖趙二先生集傳纂例十卷

錢校本

唐陸淳纂

前有清序云啖子所撰統例三卷皆分別條流通會其義趙子  
損益多所發揮今故纂而合之有辭義難解者亦隨加注釋兼  
備載經文於本條之內使學者以類求義昭然易知其三傳義  
例可取可舍啖趙具已分析亦隨條編附以祛疑滯云云啖名  
助趙名匡濟之一師一友也書之大旨陰主公穀故稱左氏序  
事雖多釋經殊寡掊擊三傳肇於此書有元吳萊序此從鄭衡  
圖刊本影寫妙道人以明嘉靖翻宋慶歷本校正

春秋名號歸一圖二卷

汪松泉手錄本

是書爲蜀馮繼先撰宋岳珂因刻本多訛錯嘗合京杭建蜀本  
參校刊定移易刻於相臺杜解之前淳熙中阮氏種德堂有十  
行小字刊本附集解前通志堂亦有刊本此爲康熙己亥夏六

月望汪由敦手鈔者後識云初肆業三傳苦其氏名字諡官爵國地錯舉互見或一簡之中或數十年之後習其讀而廢失之者屢矣欲條舉異呼彙爲一帙以備遺忘而多故未暇適讀納蘭成氏所刻經解得馮繼先春秋名號歸一圖與余意頗合但間有舛漏耳因錄置巾笥以爲他日起本由敦字松泉休甯人入錢唐籍雍正甲辰翰林官協辦大學士贈太子太師諡文端書法精妙想見木天清暇濡毫染翰時也

春秋尊王發微十二卷

盧抱經寫本

沈肖巖藏書

孫復撰

復字明復平陽人宋史有傳嘗以春秋教授生徒於泰山之下棄置三傳自立褒貶故常秩有猶商鞅棄灰於道之譏也此盧學士乾隆四十二年得舊本所鈔第一卷尾手記云此書有刻本因李生貧而傭書適無可鈔之書故以此綴之末有題跋云

孫氏此書昔人謂其論多奇刻而在當時則甚重之歐陽氏謂其得春秋本義爲多要之言亦以人重也有武林盧文弨寫本抱經堂藏兩印中如莊七年恒星不見解云常星星之常見者也宣十一年楚人殺夏正舒下同蓋皆避諱尚存宋本面目東山外史肖巖沈閻崑得其書手錄提要於前鈐有名印閻崑字肖巖晚號東山外史歸安貢生官上虞縣學訓導性喜藏書得異本必手自校正跋而藏之所積舊刻舊鈔萃其精者數千卷丹黃燦然至今得者寶之

春秋權衡十七卷舊鈔本朱竹垞藏書

宋劉敞撰敞字原父臨江新喻人慶歷中進士官至集賢學士宋史有傳是書平三家得失更集眾說斷以己意而爲之傳自序謂權衡始出未有能讀者又謂非達學通人則亦不能觀之其自命甚高王氏居易錄云康熙乙巳歸自揚州一日至青州

與張杞園觀書市中此春秋權衡乃衡府高唐王號岱翁物也  
此朱檢討從而借鈔有甲寅十月彝尊隸書序墨迹鉛以秀水  
朱彝尊錫鬯氏文恪曾孫竹垞藏本譜印

春秋會義四十卷

鉛本

宋鄉貢進士江陽杜誇撰

前有嘉祐壬寅夏六月任貫序誇自序云作傳之學有五所行  
惟三家焉胡母生董仲舒出而公羊興申公蔡于春秋盛而穀梁  
起業左氏者又有賈護劉歆之屬故得並立學官好尚殊嚮紛  
紜異論如杜元凱拘於赴告何休涉以識緯范甯博採諸說然  
未盡詳自後專門少廢矛楯者多唐之啖趙陸淳尤精焉本朝  
亦僅十數家今以經之逐條附以三傳復繫以象義總集其要  
離爲二十六卷名曰春秋會義迨元祐丁卯秋誇重序大致與  
前畧同惟云曩昔編集而會聚之論斷有所未暢義例有所未

詳今復改脩刊正以待學者研究焉此書文獻通攷宋藝文志  
書錄解題皆著於錄經義攷注已佚永樂大典全部收入館臣  
既經錄出而簡明無目提要無書其遺漏可知矣謗字獻可蜀  
之眉山人皇祐間鄉貢進士自題江陽者漢晉舊縣名也撰序  
之任貫亦籍眉州嘉祐進士

春秋經解十二卷附錄例要一卷鈔本

宋程子方撰

是書前後有子方自序二篇前列朱震劄子二道一稱故東川  
布衣程子方當熙甯間宰相王安石用事不喜春秋之學正經  
三傳不列學官而子方獨抱遺經閉門研究著春秋經解本例  
例要三書相爲表裏人雖云亡其書尚存欲望朝廷下平江府  
於崔若家繕爲投進一朱震准中使降出經解令校正契勘欲  
望敷奏特賜旌褒以勸來者奉聖旨與一子恩澤蓋當時甚重

此書也通志堂僅刊本例一種餘已湮佚 四庫館從大典中  
裒輯成編又取黃氏日鈔補大典之闕佚並爲例要一卷合之  
通志所刊可稱完備

春秋經傳二十卷

明湖廣官刊本

首杜預左氏傳序次胡安國序附何休公羊傳序范甯穀梁傳  
序程子傳序春秋集注綱領春秋提要春秋列國東坡指掌圖  
說二十國年表春秋傳諸國興廢說是本版心下有湖廣官書  
四字源出宋本其中足以校監本之譌者如隱四年公及宋公  
遇於清監本譌人九年天王使南季來聘監本譌子桓二年以  
臨照百官監本譌照臨六年齊侯使乞師於鄭監本脫侯字十  
有一年公會宋公於夫鍾監本譌鐘僖元年齊師宋師曹師次  
於聶北監本譌伯三年未之絕監本譌絕之也五年一之謂監  
本譌爲七年君若去之以爲成監本譌若君晉侯僕諸卒監本

謫詭十有八年而後師於訾叟監本謫從二十有三年僖負羈  
之妻曰監本謫霸二十有五年晉於是始啟南陽監本謫起二  
十有八年命晉侯宥監本謫脩元咺聞君至監本謫公三十年  
焉用亡鄭以陪鄰監本謫倍文六年辟獄刑監本謫刑獄十有  
一年叔彭生監本謫仲彥班監本謫班十有五年秋齊人侵我  
西鄙監本脫秋字十有六年乃人助之施監本謫夫宣二年厚  
斂以彫牆監本謫雕以示於朝監本謫祝十有一年平版幹監  
本謫幹反之可乎對曰可哉監本脫對可哉三字十有二年楚  
君伐鄭監本謫軍成二年士燮佐上軍監本謫將余姑翦滅此  
而朝食監本衍後字遂自徐闢入監本謫齊十有七年楚公子  
橐師監本謫橐襄二年鄭師侵宋監本謫伯十六年圍成監本  
謫鄖十有八年還於門中監本衍東字二十有三年邾畀我來  
奔監本畀謫鬼後有攷證云公羊作鼻我穀梁作畀我則左氏

之爲畀我審矣版隊而殺人監本譖噬非鼠如何監本譖何如二十有五年子彊監本譖疆二十有六年君與大夫監本譖夫人二十有七年乙亥監本譖未昭元年楚公子比出奔監本脫楚字晉趙孟曰天乎監本譖天四年吾所未見者有六焉監本脫所字五年設机而不倚監本譖機七年孟紇之足不良能行監本譖弱二十年蔡侯廬監本譖虛照臨敝邑監本譖昭二十九五年禍父喪勞監本譖禍旦召六卿監本譖且二十有六年使女窺守闕塞監本譖關晉師使成公般監本脫使字哀四年爲一昔之期監本譖備二十有六年四方其順之監本譖訓此外雖仍有譖字然較通行本已勝多倍矣

春秋胡氏傳三十卷

元刊小字本

宋胡安國撰安國史有傳紹興五年四月令所著春秋傳纂述成書進入有進書表論名諱劄子并自序傳文低經一格按

宋栗本題左朝散郎充徵獻閣待制提舉江州太平觀賜紫金  
魚袋臣胡安國奉聖旨纂修又述綱領明類例謹始例敘傳授  
四篇此皆遺之增入諸國興廢說春秋總例東坡指掌列國圖  
說春秋始終圖說春秋會盟圖春秋名號歸一圖春秋二十國  
年表林堯叟音注括例始末當因元代科舉春秋之學惟重安  
國與張洽二家厥後張微胡盛麻沙坊刻多所增加以備程式  
之用故版式雖非巾箱而每葉三十行每行經文二十字傳二  
十七字

春秋胡傳三十卷崇道堂刊本

胡安國傳

前列綱領列國圖說諸國興廢篇目提要及安國序此書之首  
有康熙三年三月日禮部題覆工科給事中王請頒官版經書  
等事一疏內稱臣等看得工科給事中王日高疏稱各省鄉試

經書印版多有不同每至舛錯請乙 教部估值多印數千部  
分頒各省布政司存貯遇科場時用以出題則字無錯誤等因  
又康熙十六年九月日提督江南學政邵爲嚴禁翻刻以衛經  
傳事照得經書傳注因坊刻差謬致誤士子進取 朝廷特頒  
監本經書發各省布政司令試官舉子一體式從隨有杭州朱  
子後裔生員朱錫旂等請於浙省各臺有崇道堂模刻監本四  
書五經其校正詳細點畫無譌邇聞江甯蘇州有書坊假冒監  
本名色翻刻射利貽誤不小合行出示申飭云云又康熙庚戌  
紫陽後裔朱錫旂錫英之浩正治采治之澄刊朱氏經書啟內  
云經書奉有部頒校正出乎中祕高懸令甲允示式從然止公  
府深藏尙未通都流播去歲鄉比貼出過多來科棘闈詳慎宜  
預旂等代守經書世傳集注梨鎬祠內道統攸傳云云特存此  
書用見 國初功令經籍謹嚴非若近時坊賈僞刻石印粉滋

遷流已極者矣

左氏摘奇十二卷

宋乾道刊本

肇經室載 四庫未收書目提要稱宋胡元質撰元質字長文  
吳郡人官給事中見之宋藝文志西漢字類五卷注而春秋類  
下載此目則云不知作者惟書錄解題載此稍詳此從吳中藏  
書家影宋鈔錄卷後有元質自記一條云左氏摘奇皆手所約  
取錢木於當涂道院與同志者共之乾道癸巳元日書當爲原  
刊所識書中摘錄經傳一二字必兼探討預集解其謹嚴處視  
林鉞漢雋蘇易簡文選雙字類要爲勝宋史志入之經類似不  
爲過此冊版心有詒經堂三字版匡外有昭文張金吾寫定續  
經解本十一字鈔手精絕可珍也

春秋通訓六卷

鈔本

宋張大亨撰

書錄解題宋藝文志均著錄皆十六卷經義攷注已佚此從大典輯出者原第一公一卷隱莊襄昭又各分上下館臣以卷葉無多併爲六卷蘇籀雙溪集載大亨以春秋義問蘇軾答書以苛細繖繞爲戒故此書議論宗旨皆本其意大亨字嘉父湖州人登元豐乙丑乙科官至直祕閣

春秋五禮例宗七卷

舊鈔本  
馬笏齋藏書

晉川張大亨集

前有紹聖四年二月自序爲吉禮一卷凶禮二卷軍禮四卷賓禮二卷嘉禮一卷舊闕第四至第六軍禮凡三卷有漢晉齊馬玉堂笏齋三印

春秋三傳諺二十二卷

鉛本

宋葉夢得撰

宋藝文志本三十卷今左傳爲十卷公穀各六卷蓋大典不輯

之本是書抉摘三傳是非以決獄之法治春秋故名曰讞辨博  
自雄不免翻瀾過甚之病夢得字少蘊號石林吳縣人宋史有

傳別著春秋傳二十卷春秋攷十六卷

春秋左氏傳續說十二卷

鈔本

宋呂祖謙撰

按呂著春秋左氏傳說二十卷通志堂有刊本東萊左氏博議  
二十五卷元刊近刊俱一本惟此續說從永樂大典中錄出  
世無刊刻雖僖襄二公有闕餘則尙稱完備凡傳文所載闡發  
其蘊抉摘其疵其於朝祭重旅官制賦役諸大典及晉楚興衰  
列國向背之事機詮釋尤爲明暢

詳注東萊先生左氏博議二十五卷

元刊巾箱本

董思翁舊藏

前有呂祖謙伯恭序并目錄謹按 天祿琳琅載此書云祖謙  
以左氏博議爲諸生課試而作故當時刊刻仿巾箱本之式又

藏書志卷三

三

按四庫是書提要云觀其標題版式蓋麻沙所刊此本有董其昌名字二印又有朱彝尊收藏印亦舊帙之可寶者今是帙有文敏朱白文二印首葉序文已另紙影寫殆因四庫館鈐蓋翰林院印發還原書輾轉收藏未諳典章者誤爲官書匿去

印文并竹垞圖書亦經刮去其爲採進發還者無疑道光己亥瞿氏清吟閣重雕時假得平湖胡氏宋槧本參以元本明本校讎宋本惟東萊自序後多乾道九年五月初四日九字餘無別異豈不重可寶哉卷中尚存董其昌印思白兩方印董其昌印一圓印又韓五雲祕笈一印

精選東萊先生左氏傳博議句解十六卷

明宏治刊本

按署里瞿氏書曰載元刊精選東萊先生左氏傳博議句解十六卷記云不知何人所注攷宋志有博議綱目一卷爲成公門人張成招標注疑即張氏舊注後人羼入之也此冊爲蔡氏所

刊前有永州知府東吳姚昺序稱其初亦欲版行因蔡君已行而遂止蔡君名紳字守道衡之新城人始游邑庠以易屢載秋闈不遂由蔭得官云云後有宏治甲寅孟秋梅軒蔡氏新刊十二字殆從元刊覆雕者恒皆作威尙承宋刻之遺惟原本一百六十八篇此僅八十六篇其篇目下列出處二字卽傳文也主意二字卽議之綱領也不知何人所增刪當自元代已然故楊士奇曰攷東萊先生年譜乾道戊子成此書吾家所有十五卷曰精選黃虞稷曰世所行東萊博議皆刪節惟正德刊本二十五卷獨全則由來已舊矣

沈先生春秋比事二十卷

影元刊本

是書有無名氏一序當是陳亮作云惜其爲此書之勤而卒不得其名也或曰是沈文伯之所爲文伯名棐湖州人元至元乙卯中興路儒學教授王顯仁嘗從山南江北道肅政廉訪使圖

魯公等廟學禮成登崇文閣閱典籍得其書敘沈文伯先生之所作也命校官鋟梓并列同時刊版憲司官員九人銜名又列嘉定辛未臘陵譚卿月浚明跋祇存三行云頃得劉氏家本特表而出之都穆聽雨記談據譚卿月序以爲劉朔撰雖謂序已缺前葉而既云劉氏家本又云特表而出之是爲劉朔無疑況陳同甫序本云不得其名或曰沈文伯所爲並非實指爲棐也陸氏心源儀顧堂題跋攷劉朔爲後村之祖後村集有二大父遺文跋云職臺云歿於信安傳舍故遺稿尤少有春秋比事二十卷別爲書與譚卿月序言相合朔字復之莆田人與兄夙皆受業於林光朝紹興庚辰以春秋登第知福清縣入爲祕書正字疾作卒於信安可謂信而有徵矣

沈先生春秋比事二十卷十萬卷樓鈔本

此本前有中興路儒學教授王顯仁序又有陳龍川序及元時

憲司校刊官銜名蓋從元刻傳錄者舊爲蕭山王氏十萬卷樓  
鈔本朱筆校正乃晚聞先生手蹟先生姓王名宗炎字穀塍暮  
年號晚聞居士蕭山人端履之父乾隆庚子進士截取知縣學  
問淹博有十萬卷樓詩集

春秋分紀九十卷

精鈔本

丹稜克齋程公說撰

公說一號伯剛年二十五登第官邛州教授避吳曠亂匿安固  
山著春秋諸書書成而歿年甫三十有七是書取左傳事迹以  
史家表志之例分編前爲例要一卷次年表九卷世譜七卷名  
譜二卷書二十六卷周天王事二卷魯事六卷世本三十五卷  
附錄三卷條理秩然始終淹貫誠春秋之總匯也書久罕傳經  
義攷注曰未見揚州馬曰瑞得宋本始見傳布前有開禧二年  
公說自序淳祐三年南光游但及其季弟公許兩序並劉光祖

所撰墓誌銘

春秋講義四卷

精錄本

宋戴溪撰

溪字肖望永嘉人淳熙五年省試第一贈端明殿學士謚文端  
宋史入儒林傳開禧間爲資善堂說書此卽進講時所進春秋  
說也嘉定中溪長子桷錄於金陵學舍沈光序之寶慶復刊於  
泰州宋藝文志作十卷王瓊溫州志作三卷朱氏經義攷注已  
佚此從大典本裒輯而成僖公襄公均有闕文更以黃氏日鈔  
所引補之

春秋集義五十卷綱領三卷

鈔本

宋李明復撰

首有嘉定十三年山陽度正序則稱北巖李明復伯勇又十四  
年魏了翁序則稱合陽李明復又有太學生李俞進春秋集義

表俞蓋一名明復也表稱臣幼習春秋嘗取惰頤以下十有七家或著書以明春秋或講他經而及春秋或其說之有合於春秋皆廣搜博訪定其後先審其精粗凡總論大旨者歸之綱領若專指一事而言則各附本章并撰諸家姓名事畧於前可以知此書之大畧矣 四庫館據無錫鄒儀藏本錄入並採大典中所載明復綱領仍釐三卷此卽其傳鈔本也

春秋集傳十九卷

鈔本

胡遂江蕩書

張洽集傳

洽有春秋集注及綱領 四庫已著錄集傳佚之已久阮氏元巡撫浙江時得元延祐中李教授萬敵刻於臨江路學洽之曾孫庭堅校正本進呈 內府始有影鈔卷首有宋端平二年繳省投進經狀題銜朝奉郎直祕閣主管建康府崇福觀賜緋魚袋張洽惜中缺卷十八至二十又卷二十三至二十六共七卷

然全書崖略尚可推尋餘詳繫經室外集提要有四雨亭小酉

山第一聞人當湖小重山館胡氏遂江珍藏諸印

春秋通說十三卷

舊鈔本

朱竹垞藏書

黃仲炎若晦

仲炎永嘉人書成於紹定三年奏進於端平三年原有進書表及自序此本無之書之大旨謂聖人以春秋教戒天下直書事蹟義理自見於古來經師王不稱天桓不書王之類一埽而空其論孔子斷不更革王制續用賞罰自爲之僭尤義正詞嚴有竹垞藏書記竹趣山房敦復顧氏珍藏竹泉珍祕書籍何元錫印諸印

春秋說三十卷

鈔本

宋淇名夔撰

前有自序題天目洪咨夔舜俞天目蓋於潛山名也歷官端明

嚴學士宋史有傳答夔以忤史彌遠又言李全必爲國患被劾  
罷歸杜門七載著爲此書本旨攷據事勢推勘情偽說皆精確  
世鮮傳本永樂大典尙多載其文館臣袁輯雖億襄兩公間有  
闕佚仍編爲三十卷

春秋左傳詳節句解三十五卷

明萬曆刊本

宋朱申周翰注釋

明顧梧芳起鳳校正

前有正德癸酉二月震澤王鑒敘云宋魯齋朱申周翰注釋左  
傳詳節南畿學政黃侍御希武授同知蘇州府事張幼仁刻之  
郡中萬曆壬午王穉登又因風涇顧武塘翻刻而序之是書不  
參經文蓋用杜預以前之本其一事而始末別見者各附注本  
文之下端委亦詳惜傳文刪節過甚耳

春秋纂言十二卷總例七卷

明鈔本

汪魚亭藏書

吳澄學

藏書志卷三

七

是書元刻今未見明嘉靖間嘉興知府蔣若愚刊本亦罕傳矣  
醫陸其清有鈔本朱竹垞僅一見之 四庫所收卽從陸本傳  
鈔者此爲棉紙舊鈔或出蔣本以前纂言以一公爲一卷卷末  
題有卷幾總例分七綱八十一目天道人紀二目澄所自立餘  
吉凶軍賓嘉五禮之目則與張大亨書互相出入然較大亨所  
著爲密有徐來潮印圖記

春秋三傳辨疑二十卷

山陰杜氏鈔本

元程端學撰

浙江採集遺書總錄曰春秋本義三十卷春秋辨疑二十卷春  
秋或問十卷俱瓶花齋寫本並曰右爲元國史院編修官鄞縣  
程端學輯徧索前代說春秋凡一百三十家因取其合於經者  
爲本義復作辨疑以訂三傳之疑似作或問以校諸儒之異同  
至正五年余達張天祐序按此書說春秋最爲酣備近通志堂

所刻缺辨疑二十卷惟此爲足本 四庫館以瓶花齋所進辨  
疑第一卷有鑿蝕甚至每行僅存數字者檢大典中所載者補  
之此本爲山陰杜春生家傳錄寫手極精整春生字禾子山陰  
人喜鈔書家有知聖教齋藏善本之所也嘗與兄煦撰越中金  
石記

春秋識義十二卷

鈔本

元王元杰撰

浙江採集遺書總錄題元領鄉薦吳江王元杰撰所採多二程  
朱子胡氏之說並自爲識語末缺四卷注云千頃堂書目作十  
卷經義攷作十二卷此與經義攷卷數合未嘗闕佚  
春秋屬辭十五卷

元刊本

明葉氏茶竹堂藏書

新安趙汸學

汸字子常休甯人師事黃澤受易象春秋之學隱居著述作東

山精舍洪武二年召脩元史不願仕放還明史有傳子常於至正丁酉既定集傳初稿又因禮記經解之語悟春秋之義在於比事屬辭復推筆削之旨定著此書離析部居分別義例立爲八體以布列之殫精畢慮凡二十年而始成靖審有若是焉前有汎自序又有金華宋濂序卷末有金居敬覆校學生倪尚誼前鄉貢進士池州路儒學學正宋升校正等條有葉氏菜竹堂藏書印鳴野山房印邵氏二雲印

春秋集傳十五卷

明嘉靖刊本

汪季青藏書

新安東山趙汎輯編里後學生金曰鍤校

前有自序曰學者必知策書之例然後筆削之義可求筆削之義既明則凡以虛辭說經者皆不攻而自破是書初稿始於至正戊子迄丁酉成編復著屬辭義例精密集傳初稿更須討論庚戌寅重著是傳以疾閑筆洪武己酉門人倪尚誼自昭公二

十八年以下據周辭義例續成之嘉靖乙卯金曰鍤同屬辭校  
刊此惟集傳印用韻色惜闕尚誼後序舊爲平陽汪季青所藏  
有摛藻堂圖書記柯庭流覽所及休陽汪季青家藏書籍諸印  
季青名文柏一字柯亭休甯人桐鄉籍官北城兵馬司正指揮  
築摛藻堂藏宋元舊刻書籍於其中別築古香樓以藏書畫一  
時往還多耆德宿學

春秋金鎖匙一卷

影元刊本 武原醉經堂黃氏藏書

趙訪

是書撮舉聖人之特筆與春秋之大例以事之相類者互相推  
勘究其異同而申明其正變大旨與春秋此事相埒此更簡且  
明耳卷末有至正癸丑日新堂刊入字此蓋從而影寫者也有  
黃氏晉康錫蕃武原醉經樓黃氏珍藏三印錫蕃字椒升海鹽  
人精篆刻家有醉經樓儲藏舊本頗富

春秋左氏傳注十卷元刊本

新安趙沂學

前有沂自序是書出經文一句而補注於下雖宗陳博良之說  
仍兼採孔氏穎達劉氏敞葉氏夢得諸說以益之洵有補於杜  
解爲功於左傳已至正二十四年與春秋屬辭同刊於海甯商  
山書塾每半葉十二行行二十四字注雙行版心有字數及刊  
工姓名卷尾有商山諸生汪文題識海甯趙月卿刊胡仲永重  
脩等字卷端鈐瞿良印讀書養氣兩記瞿良姓呂字念恭明崇  
德人

春秋師說三卷附錄一卷元刊本

新安趙沂編

卷端有至正戊子八月旣望門人趙沂敬題沂嘗師九江黃楚  
望其初得六經疑義十餘條後得口授六十四卦大義與學春

秋之要故題曰師說明不忘所自也按楚望名澤資州人嘗爲景星東湖兩書院山長此書上卷論春秋述作本旨魯史策書遺法三傳得失古注得失中卷論漢唐宋諸儒得失下卷論春秋之要經旨舉畧王正月辨魯隱公元年不書卽位義諸侯娶女立子通攷春秋指要附錄爲黃澤所作思古吟六經辨釋補注易學濫觴春秋指要序及黃楚望先生行狀後有金居敬序每葉二十六行行二十七字字皆趙體刻字甚工海甯商山書塾所梓也有瞿良一印

春秋胡氏傳纂疏三十卷

影元刊本

新安汪克寬學

是書前有先儒格言附錄纂疏凡例引用諸儒姓氏書目述及綱領克寬自序稱詳注諸國紀年謚號可究事實之備列經文同異可求聖筆之真益以諸家之說而裨胡氏之闕疑附以辨

疑權衡而知三傳之得失大全乃全以此爲藍本也首列至元戊寅新安汪澤民至正辛巳雍虞集至正戊子紫陽吳國英三序克寬字履祥仕履見禮經補逸

春秋四傳三十八卷明刊元本

是書首載杜預何休范甯胡安國四序次春秋綱領述諸家議論次春秋提要如周十二王魯十二公以及會盟戰伐之數次春秋列國說次春秋二十國年表次春秋諸國興廢說經文之下分注左氏公羊穀梁三傳低一行別標胡傳間加音注別無發明參攷之處攷吳澄序俞皋春秋集傳釋義大成始以三傳之後附錄胡傳則四傳之名卽見吳澄序中可見出自元初也惟不知誰氏所編此殆從元刊翻刻

春秋集傳大全三十七卷明刊本

高叔荃藏書

此爲永樂中胡廣等奉敕撰五經四書大全之春秋也所採諸

說憑胡氏定去取而不復攷論是非當時功令所垂傳刻不一  
茲本版長五寸闊逾三寸字畫精細殆書肆所雕故無纂修四  
十二人銜名惟前有諸國興廢說及二十國年表耳有臣學治  
高氏叔荃兩印

音點春秋左氏十六卷

明宏治刊本

胡滄溟覆書

前列杜預元凱序次刊書凡例五條一杜預注作三十五卷林  
堯叟注作七十卷今定一十六卷蓋脫杜林注也一尊行爲經  
卑行爲傳一林氏本凡紀年俱載十二公之首今昉杜氏本注  
列國某公紀元於魯某公某年之下周王惟紀元作朱書蓋尊  
之也一特加音點以解疑難一舊版間有助語字不同今以古  
本證訂鏤梓後有徽州知府關中彭澤序云宏治辛酉秋巡撫  
都憲坦洞先生安成彭公蒞徽郡謂左傳無善本學者艱於誦  
習乃命刊如胡傳時通判睢陽陳君理署府事爰取左傳句解

舊本存音點而去注釋刊置郡齋壬戌春工成澤適以入觀還  
郡取讀誠便遂令校正印行卷端有胡煦之印滄曉二印煦爲

光山人康熙壬辰進士官禮部侍郎嘗著周易函書約存

左傳附注五卷後錄一卷

明刊本 黃琴六藏書

明陸粲撰前有嘉靖庚子粲自序云昔讀左傳注疏若釋文於  
訓故音切有可疑者輒以臆見及他書之說可證據者具  
下歲久塗抹令兒延枝錄之定爲五卷又列其疑誤衍脫重出  
者於後云是編前三卷駁正杜注第四卷駁正孔疏第五卷駁  
正陸氏音義粲字子餘長洲人嘉靖丙戌進士以工科給事中  
劾張璁桂萼謫驛丞明史有傳有虞山人黃廷鑑印紅豆山房  
姜皋私印詒經堂張氏珍藏古潭州袁氏臥雪廬收藏愛日山  
房諸印廷鑑字琴六又號拙經逸叟常熟人收藏書籍手校者  
百數十種閩紅豆山房絃誦其中泊如也著有第六弦溪文鈔

臥雪廬者長沙袁澈六太守藏書處也澈六名芳瑛道光乙巳進士官松江府知府其臥雪廬藏書極富卽漢書一種宋元刻本藏至十餘部餘可知矣著有臥雪廬書目

春秋胡氏傳辨疑二卷

舊鈔本

明陸榮子餘撰大旨謂胡氏說經或失於過求詞不厭煩而聖人之意愈晦故著此以辨論之有明二百數十年昌言以糾正胡傳者自此書始鈔手甚舊殆康雍間人也

春秋明志錄十二卷

精鈔本

後學熊過著

按過字叔仁富順人嘉靖己丑進士官至禮部祠祭司郎中明史文苑附陳東傳與陳東王慎中唐順之趙時春任瀚李開先呂高爲嘉靖八才子研思經訓不僅以文章名此錄盡廢三傳而亦不遵胡傳於說春秋者別開蹊逕瑕少瑜多亦如所著之

周易象旨決錄也

春秋事義全攷十六卷

明刊本

丹陽姜寶廷善甫纂注

前有萬曆乙酉寶自序謂近代說春秋數家如趙氏汸之屬詞  
李氏本之私攷周藩睦擇之辨疑與金壇王氏樵之經世似能  
窺見聖心足以發胡氏及諸儒之所未明與補其所未備而王  
氏爲予姻友地近志同家居往來印證若有合焉乃縹寫攜入  
留曹侍御同郡李君一陽見而謂可以傳遂錄之梓一陽亦爲  
之序書之大旨以胡傳爲主亦參以已見襄公以下胡傳闕者  
亦爲補葺論孔子必不以褒貶之法上施於君父尤覺大義炳  
然寶一號鳳阿嘉靖癸丑進士官至禮部尙書

春秋胡傳攷誤一卷

舊鈔本

明吳人袁良貴著

是書與陸子餘胡傳辨疑同一義意間有吹求太甚之處寫手甚舊當爲百年以前之帙

春秋左傳屬事二十卷

明刊本

吳郡後學傳遜纂并注評

是書肇端於孫之友王氏執禮遜爲續成仿袁樞通鑑紀事本末之體變編年爲屬事事以題分題以國分傳文後各括大意而論之更定杜氏集解之有所未安糾正傳文之有乖世教非如章沖左傳始末之類也前後有萬曆十三年遜自序兩篇并己丑重識及王錫爵兩序遜字士凱太倉人爲歸有光弟子晚以歲貢爲建昌訓導

左氏釋二卷

鈔本

明馮時可撰

時可字敏卿華亭人隆慶辛未進士官湖廣布政司參政明史

附馮思傳是書原與左氏合爲一書 四庫館以討  
與論入存目此書歸著錄蓋以發明左傳訓詁不載傳文間有  
臆斷而精核爲多

左概

六卷明刊本

仁和李事道行可甫輯

前有瑯琊王世貞序云左概者李生所葺左氏之略也夫概者  
概也左氏一書總數萬言茲以八十五章盡概左氏之篇不已  
約乎次爲萬歷丁亥春事道自序云左氏未易讀讀未易解自  
乙酉寓宗陽與友人解釋筌次拔其尤者若干首以眎鄭生鄭  
生者虎林之惠元仁甫也又凡例稱左傳編年原無題識題識  
南明節文標出殆爲科舉而作歟

春秋左傳評注測義七十卷

明萬曆刊本

明吳興後學凌稚隆輯著

稚隆字以棟烏程人是書以杜注爲宗博采羣書說增益而辨證之復取其世次地名錯出難辨者標於編首曰世系譜曰名號異稱便覽曰地名配古籍曰列國圖說曰總評曰引用書目曰古今賢達姓氏曰凡例前有吳郡王世貞及萬曆戊子范應期楨父兩序舊鈐臣世經印緯齋兩印又長崎海關管史檢明一印蓋曾歸東瀛所藏者也

春秋辨義三十九卷

鈔本

明卓爾康撰

是書分爲六義一曰經義二曰傳義三曰書義四曰不書義五曰時義六曰地義而十二公義復以序次之浙江採集遺書總錄刊本三十卷豈遺其卷首之九卷耶前有天啟甲子秋崇禎九年重九大駢山樵阮漢聞序謂其於春秋研究三十年又有

楚黃石確序終有爾康自序及凡例七條爾康字去病仁和人  
萬曆壬子舉人官工部屯田郎中謫常州府檢校終於兩淮運

判別著易學一書

一書

春秋平義十二卷

手稿本

謹按 四庫總目春秋平義十二卷俞汝言撰汝言字石吉秀水人前明諸生是書多引舊文自立論者無幾然自宋孫復以來務以攻擊三傳求駕乎先儒之上而穿鑿頗碎之弊日生自元延祐以後務以尊崇胡傳爲主求利於科舉之途而牽就附合之弊亦日甚明張岐然五傳平文去取尙未悉允汝言亦與岐然同意而簡汰精審多得經意正不以多生新解爲長前有自序謂傳經之失不在於淺而在於深春秋爲甚可謂片言居要矣此本爲汝言手稿其中塗乙補綴朱墨縱橫其用心勤篤至今猶可想見云云是帙卽其手稿經館臣校正發臚上幹翰

林院印厥後發還本省者也有雙溪遺老俞汝言印石吉氏三印手序自題丙辰仲冬爲康熙十有五年至今已二百餘年矣可不貴哉

春秋四傳糾正一卷鈔本

汝言既成春秋平義時已目瞽口授成此摘列三傳及胡傳之失隨事辨正凡有六端一曰尊聖而忘其僭二曰執禮而近於迂三曰尙辭而鄰於鑿四曰億測而涉於誣五曰稱美而失情實六曰摘瑕而傷鑽刻綜一百三條末附春王正月辨一篇前有自序題漸川諸生

左傳博議拾遺二卷鈔本

金陵朱元英撰

按元英字師晦一字荔衣自號虹城子康熙己丑進士官編修力學砥行以朱子爲宗著牧民通攷治平新語治河要略皆散

佚惟此書收入四庫存目進本脫博議二字非原本也此書  
根柢政事以史證經訓詁辨正必有根據其姪曾孫緒曾得之  
寄刊於金山錢氏小萬卷樓並著其要於開有益齋讀書志中  
可以得其概矣

左傳補注六卷

盧抱經校刊本

前有東吳惠棟定字自序稱曾大父樸庵先生幼通左氏春秋  
至耄不衰常因杜氏之未備者作補注一卷元凱集解雖根本  
前修而不著其說又其持論間與諸儒相違於是樂遜序義劉  
炫規過之書出焉棟長聞庭訓每謂杜氏解經頗多違誤因刺  
取經傳附以先世遺聞廣爲補注六卷益都李文藻以戴東原  
手校本付順德胡亦常後胡病屬順德張錦芳刊竣盧抱經學  
士謂誤字猥多復加校正且記交游酬酢雜事於校語之後有  
蕭文弨弓父手校武林盧文弨家經籍諸印

春秋上厯表不分卷舊錄本

前有嘉慶八年范景福自識云訪之鄉先輩莫瀨山海昌張神羊兩先生得勾股較三角八綫諸法芸臺師謂當細研宣城梅氏書可爲推步門戶論者謂春秋時術甚疏不與厯法符合爰取春秋三十七日食依時憲法推平朔干支以校經傳日辰推平中氣以定當閏之月推平交周以求日食之限次年甲子揚州阮元名之曰春秋上厯表且製序以嘉其善景福字嘉祿錢塘人乾隆壬子舉人

春秋繁露十七卷

明王道焜刊本  
盧抱經校

漢董仲舒著

前有慶歷七年四明樓郁序次列總評九條是書在宋時已殘佚樓氏蒐采校訂爲八十二篇原闕三篇又有脫葉脫字惟十七卷猶是董子原書次第也王道焜字階平仁和人明天啟辛

西舉人官福建同知明末殉難 賜謚節愍虛抱經學士以朱

墨兩次手校

右春秋類

善本書室藏書志卷三終

善本書室藏書志卷四

錢塘丁丙松生甫輯

經部六

孝經孔氏傳一卷日本文政刊本

東瀛經籍訪古志云首存孔序二行次孝經孔氏傳次開宗明義章第一卷末空一行書孝經一卷次空二行署宏安二年九月十三日書寫之畢每章下有經文字數文政癸未年福山覆刻并跋云此書梁末亡逸而顯於隋故隋唐諸儒多疑此傳假託然隋至盛唐此與鄭注並著令式貞觀中有詔立元宗注此傳仍不廢享保中中國商至長崎訪以歸鮑廷博雕之盧文弨序引唐代諸書以證隋代舊本總目謂宋元後所影附殆由未見正本歟林祭酒述齊悲正本湮滅以宏安鈔本活字刷印宏安本近歸余插架紙質精堅筆蹟沈迺裝成卷子實爲五百年

前之舊本於是影模以刻於家原本序僅存二行今以元亨中  
清原良枝本補繕之以效百衲史記之贊云云東瀛雕手本號  
鬼工蟲文蛀眼傳摹不遺毫髮無殊親睹卷子也

孝經

一卷

東瀛刊本

漢魯人孔安國傳日本信陽太宰純音後學上毛山世璠標注

前有明和九年壬辰春山世龍標注古文孝經序次享保十六  
年辛亥太宰純重刻序次孔安國序經之首開宗明誼第一下  
夾行書經一百二十五字以下二十二章皆注經字若干卷末  
通計經一千八百六十一字傳八千七百九十四字其上界旁  
界記述議文彼土原刻於享保十七年再刊於文化十二年

足利本古文孝經

一卷

東瀛刊本

漢魯人孔安國傳日本足利山本龍校

前有北山山本信有撰序時爲寛政庚申五月朔又有南陽山

本龍序亦寬政十二年庚申所撰餘與文化本同第無旁述  
議之文

御注孝經一卷日本刊開元十年注本

首題御注孝經序次行署左散騎常侍兼麗政殿修國史上柱  
國武強縣開國公臣元行沖奉敕撰序後另行頂格題孝經越  
一格題御注次一行列開宗明義章第一經文大字注文夾行  
卷末間一行題御注孝經卷尾有文明十八年桑門祥空跋又  
有享祿辛卯苾芻堯空跋稱從龍朔院右府本鈔則知此本爲  
逍遙院內府寶降公真蹟寬政中屋代宏賢刻以傳世並跋曰  
御注之成在開元十年而石臺之經奏於天寶之初相距二十  
餘歲試校石臺本正義以爲舊注者咸合而石臺改竄之迹昭  
然矣邢昺序乃謂天寶二年注成頒行天下似未知先有舊注  
矣行冲原疏雖不得見而今之正義尚有存行冲之舊若此本

感應篇章長幼順故上下治注云君能順於長幼則下皆效上  
無不理也而天寶注則云君能尊諸父先諸兄則長幼之道順  
君人之化理可以見邢疏之全用行冲注矣有溫故堂文庫和  
學講談所二木印當爲彼士舊藏書處

孝經注疏九卷

明闡刊本

得「尼葉氏藏書」

宋邢昺注疏

前有序題翰林侍講學士朝請大夫守國子祭酒上柱國賜紫  
金魚袋臣邢昺等奉敕校定成都府學主鄉貢傳注奉右擬卷  
一開宗明義章天子章卷二諸侯卿大夫士章卷三庶人三才  
章卷四孝治章卷五聖治章卷六紀孝行五刑廣要道章卷七  
廣至德廣揚名諫諍章卷八感應事君章卷九喪親章前仍列  
元宗序末稱一章之中凡有數句一句之內義有兼明具載則  
文繁畧之則義闕今存於疏用廣發揮唐書元宗注孝經詔元

行沖爲疏宋咸平中邢昺所修疏卽據行沖舊文今則新舊文不可辨矣宋十行本修至明正德間殘缺最多原葉僅留一二此嘉靖時李御史元陽所刊本雖九行上距正德甚近萬曆十四年國子祭酒韓世能卽據以校刊也

唐御注八分孝經三卷

明刊本

前列孝經表後署天寶四載九月一日銀青光祿大夫國子祭酒上柱國臣李齊古上表又題孝經序御製序并注及書小字題皇太子臣亨奉敕額末題孝經序終正卷題孝經次列開宗明義章第一卷按元宗御注孝經今在西安府學墨洞大亭覆之下承石臺石四面皆虧五尺高九尺餘東以巨鐵上下通計高二丈四面遍書小注分寫兩行其下有晉國公臣林甫等四十五人姓名此本初以碑拓翦作書帙削去元宗批答三十八字及四十五臣銜名鐫分三卷後有崇禎甲申秋日郭蚪跋

孝經注解一卷

明刊本

唐元宗皇帝注宋司馬光指解范祖禹說

首列唐元宗今文孝經序次朝奉郎守殿中丞充集賢校理史館檢討臣司馬光上進古今孝經指解序又修實錄檢討官承議郎祕書省著作郎兼侍講臣范祖禹上進古文孝經說序攷書錄解題各自爲卷此本未知何人合編所用乃孔氏古文而司馬君之指解乃全載元宗今文可知古今二文本不甚遠注亦不妨互用通志堂有刊本此則出於其前也

孝經總論十二冊

明寫本

明仁和後學朱鴻總輯錢塘後學馮子京總閱

前有萬曆乙酉冬仁和張瀚序云余友朱君鴻生平純孝篤信是經博求諸本攷訂異同詳定釋義採輯經語敷衍大義其志意專故探索勤探索勤故體認切體認切故操履堅觀其所述

而其人可知矣又有南京禮部尚書會稽陶承學萬歷丙戌秋  
關西溫純序又有江東吳自新序云臨安文學朱生鴻質行好  
文屬意孝經會通所玩習者曰石臺孝經舊今文直解曰文公  
刊定古文曰文公刊誤曰草廬校定曰古文解意曰古文直解  
曰家塾曰會通曰邇言曰孝語曰集靈粹而問序於余云又有  
清源蘇濱谷水袁福徵序又仁和沈淮序曰朱子漸鴻孝鍾天  
子彌老彌堅既竭躬行復研經傳積有年勤類彙成集曰石臺  
孝經所以尊古制也曰直解句解大義訓釋崇先儒也曰解意  
會通邇言集靈樂同志也曰集解直解經書孝語等說附已意  
也嗟夫文學之用心亦云屢矣又古今羽翼孝經姓氏自列國  
兩漢三國六朝隋唐宋元明代凡二百餘人鴻自識云嘗慨宋  
執政金陵王公奏定科制黜孝經不用湮沒至今五百餘年是  
以潛心篤志集古今諸說欲闡明是經以公同好但世遠經殘

僅得宋元版朱吳解訂者三卷既而博求歷代所解之明白顯易者併鴻家塾孝經古直解附質疑臆說大旨共十卷又集經書孝語虞氏孝經集靈共二卷不敢私藏俱付之梓以發端倪云云虞淳熙又爲識後是書白紙朱絲端楷寫成面用藍綿尙爲明代之遺姪立誠得於都中厥肆鄭重攜歸尊藏篋衍旣守聖賢之至行更寶先哲之遺編先師楊公園先生舉孝廉方正嘗輯孝經諸本都爲一編燬於兵火當時果見是書必更有所補益也

右孝經類

經部七

續刻唐開成石經并五經文字九經字樣

東瀛刊本

按舊唐書文宗本紀及鄭覃傳皆言石壁九經卽黎持之記亦然其實九經外更有孝經論語爾雅較今之十三經但少孟子

其時孟子尙雜諸子中未升經也十二經外又有張參之五經  
文字唐元度之九經字樣與之並行厯五代宋元明一無損失  
則以呂公置列學校之故也此爲東瀛益城松崎明復審定有  
例言七條各經題首皆作隸書餘則六十五萬二千五十二言  
校刊精美一展卷間不翅親厯關中手模翠墨也

九經

宋刊本 拜經樓吳氏藏書

謹按 天祿琳瑯正續所收宋刻巾箱本九經二部一爲至善  
堂刊凡周易尙書毛詩春秋禮記孝經論語孟子爾雅小爾雅  
附中庸大學重出各經序文傳注皆不載一爲巾箱本九經不  
分卷易書詩周禮禮記左傳孝經論語孟子音義皆附上方濬  
熙乾道間刻也按小學紺珠云唐谷那律稱爲九經庫九經之  
名始見宋史神宗用王安石之言士各占治易書詩周禮禮記  
一經兼論詰孟子是時儀禮春秋皆廢不立學官元祐初復春

秋左傳此所刊九經蓋南宋之制此書每葉四十行行二十七字上格標載音義凡易二十一葉書二十六葉詩四十七葉左傳一百九十八葉禮記九十三葉周禮五十五葉孝經三葉論語十六葉孟子三十四葉卽天祿之第二部也嘉慶戊辰人日吳騫題云九經白文乃宋麻沙本之佳者蓋錫山秦氏刊本之所祖也楮墨古雅經虛抱經鮑綠飲黃蕘圃諸公所賞鑒其經文字句較時本間多不同如曾子問殷人旣葬而致事下有周人卒哭而致事句殆宋人因皇氏之說而增之與日本七經孟子攷文所引古本相符其餘字句不及備載又左氏春秋前不列惠公元妃傳文一段蓋古經與傳本不相聯屬後人取便合傳以附經此本首闕傳文豈先儒不敢以傳先經之意歟又題云昔王文簡嘗見宋刻小本九經於倪雁園檢討家載分廿餘話此本不知卽雁園所藏否有宋本甲秀水朱氏潛采堂圖

書紅藥山房收藏私印事學鍾離存義榮書求宛委讀餘編拜  
經樓吳氏藏書兔牀山人第一孫臣鬻槎客諸印

十三經注疏三百三十五卷

明北監刊本

此明北監刊本始於萬曆十四年逮二十一年工竣凡周易九  
卷上下經王弼注繫辭晉韓康伯注唐孔穎達疏前有穎達序  
後附陸德明音義王弼略例尚書二十卷漢孔安國傳唐孔穎  
達疏陸德明音義前有穎達序次宋國序毛詩二十卷漢毛亨  
傳鄭康成箋唐孔穎達疏陸德明音義前列穎達序次詩譜序  
春秋左傳六十卷晉杜預注唐孔穎達疏陸德明音義前列穎  
達序次預序末有預後序春秋公羊傳二十八卷漢何休注疏  
不著名或云徐彥撰陸德明音義前載宋景德二年校刊牒文  
次休序春秋穀梁傳二十卷晉范甯集解唐楊士助疏陸德明  
音義前有甯序周禮四十二卷漢鄭康成注唐賈公彥疏前有

公彥序次列序周禮廢興儀禮十七卷漢鄭康成注唐賈公彥疏前有公彥序禮記六十三卷漢鄭康成注康孔穎達疏前有穎達序孝經九卷唐元宗注宋邢昺疏前有昺序次宋傅注序唐元宗御製序論語二十卷魏何晏集解宋邢昺疏唐陸德明音義前有晏上集解序孟子十四卷漢趙岐注宋孫奭疏前有奭序次有奭題辭解爾雅十一卷晉郭璞注宋邢昺疏唐陸德明音義前昺序版心皆記刊刻之年每卷標題次行分別校刊及重脩者各列祭酒司業銜名其校刊之祭酒經八人司業經七人而重脩之祭酒司業僅二人始終其事惟所載陸德明音義於周易則爲一卷附於書後其尚書毛詩三傳以及論語爾雅忽散列於書中而三禮之音義又不採錄體例未能盡一耳

鄭志三卷附錄一卷舊鈔本

魏侍中鄭小同撰

隋志與新舊唐書俱載此書崇文總目始不著錄是編三卷當爲好古者摘錄零遺而成聚珍版問經堂皆有印本此鈔本甚舊當在聚珍以前不知誰氏所校卷前記云凌人一條前半段未見元文不敢擅改則非草草收藏者

黃四如先生六經四書講稿六卷

舊鈔本

馬笏齋藏書

宋進士朝奉郎國子監簿黃仲元撰

署撰書名後有門人武夷山人詹清子編門人承務郎翰林修撰涂應鍾校二行其書多述朱子緒論然亦時出新義發前儒所未發抱經堂盧氏藏有明正德年間舊鈔此嘉靖丙午始由其裔孫文炳家藏本開雕前有南京國子祭酒南海黃佐序後有南京國子司業貴溪江汝璧及其九代孫文炳序跋按仲元字善甫號四如莆田人咸淳七年進士授國子監簿宋亡更名淵字天叟號韻鄉老人教授鄉里以終有漢唐齋及馬玉堂印

笏齋諸印

明本排字九經直音二卷影元刊本

不著撰人名氏明本者明州所刊卽今甯波府也前集首孝經次論語次孟子次毛詩次尙書次周易後集首禮記次周禮次春秋後爲補遺其書不用反切故曰直音所音俱根據經典釋文猶爲近古釋文一字數音者皆並存之此從元刊本影寫者熊先生經說七卷惠松崖手批通志堂本

豫章熊朋來

朋來字與可南昌人宋咸淳十年進士入元爲福清縣判官元史儒林有傳此書說易亦言先天後天河圖洛書書亦言洪範錯簡詩亦不主小序春秋亦不主三傳獨於禮經疏證明白此通志堂刊本末有陸沉記云熊氏經說係紅豆齋藏本墨筆批抹俱松崖先生手蹟按惠氏九經古義於此書已有所試議此

則批抹非止一條如開卷河圖洛書之名自易大傳言之卽批云易大傳並未以天一地二爲河圖又漢儒所說龜文可證者莫如大戴經注之言卽批云大戴禮注是盧辯乃六朝人大抵圖書之說至宋始詳又批云未聞乎古至宋而始有是說其下亦多駁正足見著書之難

石渠王氏意見四卷拾遺二卷補闕一卷

舊鈔本

汪魚亭藏書

前有宏治己未癸亥自序二篇題光祿大夫柱國太子太保吏部尚書致事三原王恕又有石渠說一篇序中有云初爲意見年八十有四後爲拾遺年八十有六繼爲補闕年八十有八可謂耄而好學矣其書大意以五經四書列在學官者於理或有未安故以己意詮解而筆記之間有發明惟少攷證耳西安守華容嚴永溶嘗爲刊行此則鈔本也有汪魚亭藏閱書印

泉齋簡端錄十二卷

明刊本

門生天台王宗元編次

前有正德乙亥三月望古華山人邵寶自序越三年戊寅寶又書孔子說經例六則蓋病餘閒居取舊所讀書披誦當意所會書於簡之端故曰簡端錄凡易三卷書二卷詩一卷春秋三卷禮記孝經合一卷大學中庸合一卷論孟合一卷門人天台王宗元合而編之梅里華雲校而正之此外孫秦榛重刊本也

七經圖七卷

明萬曆刊本

新安吳繼仕編

按宋館閣書目載六經圖六卷爲昌州楊甲撰撫州教授毛邦翰增補之爲圖三百有九又書錄解題載儀禮圖十七卷爲福州楊復撰凡圖二百有五又分宮廟門冕弁門牲鼎禮器門爲圖二十有五各曰儀禮旁通圖繼仕得毛氏舊本摹校原圖由三百有九增至三百二十有一又以楊氏儀禮圖校定爲三百

二十有七改六經爲七經共爲圖五百四十有八萬歷乙卯五月五日合編刊行自爲之序石渠舊史鄒瑤焦竑首序之繼仕字公信徽州人卷前葉有古玉花紋並木記云綿紙雙印恐有贗本用古雙璽玉爲記

郝氏九經解一百六十六卷

明刊本

京山郝敬著男千秋千石校刊

前有萬曆四十七年自序敬字仲興明史附見文苑李維楨傳一曰周易正解二十卷主義理亦兼及於象頗多辨論二曰尙書辨解十卷前八卷解伏書二十八篇後二卷辨孔書故稱辨解三曰毛詩原解三十六卷前有讀法旨在駁朱傳改序之非四曰周禮完解十二卷謂冬官散見於五官而變其詞謂陽分六官以成歲序陰省冬官以法五行五曰儀禮節解十七卷此編過信樂史五可疑之說謂儀禮不可爲經六曰禮記通解二

十二卷於鄭義多所駁難七曰春秋直解十五卷前有讀春秋五十餘條卽本孫復等廢傳之學末二卷題作非左摘傳之紕繆八曰論語詳解二十卷前有讀論語一卷大旨謂聖言精約而舊注苟簡少所發明故稱詳解每有異同不覺齟齬九曰孟子說解十四卷前有孟子遺事及讀孟子論孟子生卒九經解四庫入附存者八惟論語獨遺雖明刻傳本亦甚稀此書易解有德馨堂書畫之章詩解有文宗文淵文匯三閣詳校賜綺樓春秋解有王連石珍賞諸印藏非一家殆亦合璧而成耳

五經正文五卷

明刊本

經各爲卷後有諸暨翁溥識云世之有識者往往教人離棄傳注沈潛古文以意逆志庶幾有得者溥不敏未之能也而有志焉顧經無善本又詩序書序述經之所由作程子謂詩大序非聖人不能小序出於國史而子夏傳之書序爲孔安國所著然

其來尚矣治經者顧遺之亦闕且謬也故於簿書之餘躬自校

錄刻之江西

五經疑問六十卷

明刊本

烏程後學承庵姚舜牧著

舜牧字虞佐號承庵萬曆癸酉舉人官新興廣昌二縣令年逾八秩於諸經皆有疑問四庫著錄惟詩經一種謂其兼用毛傳朱傳及嚴氏詩緝時亦自出新意如辨成王未嘗賜周公天子禮樂說頗有見其易書春秋禮記並入存目凡易十二卷書十二卷詩十二卷春秋十二卷禮記十二卷前皆有自序尚有孝經疑問近爲裔孫姚覲元所刊四書疑問亦收存目則未之見也

九經辨字續蒙十二卷

銅本

歸安沈炳震撰

是書以九經文字分爲十類曰經典重文曰經典闕文曰經典傳謂曰經典傳異曰經典通借曰先儒異讀曰同音異義曰異音異義曰異字同義曰注解傳述人其排比鉤稽頗爲細密可因文字之異同究訓詁之得失於經學有裨炳震字東甫歸安人一門羣從並有著作此編傳本極稀雖其裔孫秉成中丞尙從斯帙傳錄又未爲之雕行也

十七史經說十二卷

寫本

古瀘州袁卧雪齋收藏

昭文張金吾輯錄

此十七史經說自史記迄舊唐所引經文傳注採摘其語以相證明其枕經菲史之功深矣

七經緯一卷

寫本

何憂華藏書

識緯之學漢人爲盛識則專言占驗爲士大夫所不道緯則多載秦以前古經說皆戰國及西漢經師所傳故近日經師皆取

以證經不可與識同日而論也此卷爲易說尙書刑德放尙書帝命驗尙書說符合后詩氾厯樞詩含神霧詩推度災詩緯禮斗威儀稽命徵禮含文嘉禮緯禮說樂稽耀嘉樂叶圖樂動聲儀樂說孝經授神契孝經鉤命決孝經說諸種核其時代當在趙國翰之前疑趙氏輯本由此增益紙墨古雅筆墨端楷且經前人朱筆校勘有古杭何元錫藏錢塘何氏夢華館藏圖記

右五經總義類

經部八

孟子注疏解經十四卷明閩刊本

葉氏得一居藏書

漢趙氏注宋孫奭疏

按趙岐字邠卿京兆長陵人舉熒煌太守遷太僕終太常後漢書有傳更字宗古博平人端拱中九經及第官至龍圖學士前有岐自題辭是注避難北海時在孫賓家夾柱中所作雖較馬

鄭許服諸儒稍爲固陋然屬書離辭指事類情於訓詁初無所  
戾功亦勤矣奭宋史有傳注文多爲朱子集注所採奭疏朱子  
指爲邵武士人作蔡元定猶見其人似未必誣四庫以久列  
學官姑仍其舊本是書前有朝散大夫尚書兵部郎中充龍圖  
閣待制知通進銀臺司兼門下封駁事兼判國子監上護軍賜  
紫金魚袋臣孫奭撰正義序每卷依宋十行本分上下卷無題  
辭孟子注疏刊刻最少十行本外惟推此闡刊矣有得一居珍

藏印

孟子趙氏注十四卷

肅抱經校微波榭刊宋本

趙氏注

此書舊有北宋蜀大字本宋劉氏丹桂堂巾箱本相州岳氏本  
盱郡重刊膠瑩中世綠堂本皆經注之善本賴吳寬毛辰何焯  
何焯朱奐余蕭客先後傳校迄休甯戴震授曲阜孔繼涵安邱

劉岱雲錢梓錢塘周嘉猷有序此本復爲盧文弨孫志祖再校  
可謂善而又善有盧文弨弓父手校志祖校過誦印

論語集解十卷

日本刊本

何晏集解

首有光祿大夫臣鄭冲散騎常侍中領軍安鄉侯臣曹義侍  
中臣苟顥尚書駙馬都尉關內侯臣何晏等上序每卷終注經  
若干字注若干字末有螺浦道祐居士重新命工鏤梓正平甲  
辰五月吉日謹誌兩行此卽錢遵王讀書敏求記詫爲書庫中  
奇本者翁廣平攷正平乃日本割據之年號甲辰當中國元順  
帝至正二十四年彼土此刻已云傳世絕少茲本爲文化十三  
年湯島狩谷望之序稱市野迷菴翻雕別作札記附於後云正  
平論語較之羣書治要唐石經頗有同異間與蔡邕石經殘碑  
史漢說文所引亦合又多與陸德明釋文所引一本合則其爲

六朝之遺籍可知也

論語義疏十卷

日本寫本

梁國子助教吳郡皇侃撰何晏集解

前題光祿大夫關內侯臣孫邕光祿大夫臣鄭仲散騎常侍中  
領軍安鄉亭侯臣曹義侍中臣荀顥尚書駙馬都尉關內侯臣  
何晏等上按日本經籍訪古志是書有舊鈔五本且云六朝經  
書傳世無幾義疏爲李充繆播等十三家之經說依此而僅傳  
寬延中根本伯修仿邢昺疏例改換體式已失皇氏之舊如八  
佾中子曰射不主皮條馬融注射有五善下及以熊虎豹皮爲  
之下邢疏文俱貫入乃知舊鈔義疏原於唐卷子本承學者以  
邢疏文錄於背紙而後人傳寫誤混入之正文今按此本亦然  
然究異於後來之本矣有松田本生印亦彼國人也

論語注疏解經二十卷

明闡刊本

葉氏得一居藏書

魏何晏集解宋邢昺疏

前有翰林侍講學士朝請大夫國子祭酒上柱國賜紫金魚袋臣邢昺奉敕校刊一條在序之後此明嘉靖間閩中御史李元陽校刊每葉十八行每行二十一字版心下書刻工姓名間有書字數者當出修補之手雖有訂正十行本之處亦有不及十行本之善者宋志作十卷今二十卷蓋後人依論語篇第而析之也有得一居珍藏印

孟子音義二卷東瀛翻影宋本

朝散大夫尚書兵部郎中充龍圖待制知通進銀臺司兼門下封駁事兼判國子監上護軍賜紫金魚袋臣孫奭辭撰進

是書版匡外有虞山錢遵王述古堂藏書十字按讀書敏求記云孫宣公以張鎰丁公著二家所音孟子未精當質之經訓證以字書成音義二卷孟子見梁惠王見梁襄王並當與暴見於

王他日見於王同音現宣公前二見字無音學者相承如字讀非也子學識淺鮮未知通人以爲然否漢書藝文志儒家孟子十一篇宋時館閣中尚有外書四篇或疑合之卽如藝文志之數今觀此書後附孟子篇敘音義曰此趙氏述孟子七篇所以相次敘之意則知外篇乃後儒撰集雖亡不存可也篇敘世罕見之藏書家宜廣其傳勿易視也黃楚圃得之定爲蜀大字本東瀛文化十年又翻雕刻畫精工何減天水舊槧耶

論語拾遺一卷明刊本

穎濱遺老

前有蘇轍自序云予少年爲論語略解子瞻謫居黃州爲論語說盡取以往今見於其書十二三也大觀丁亥間居穎川爲孫籀簡筠講論語子瞻之說意有所未安時爲籀等言之凡二十有七章謂之論語拾遺恨不得一質之子瞻也

孟子解一卷

明刊本

穎濱遺老

是書次行題穎濱遺老四字乃其晚年退居之號以陳振孫書錄解題攷之實少年所作凡二十四章

重廣陳用之真本入經論語全解義十卷

舊鈔本  
居藏書

古瀋州袁卧雪

左宣德郎充館閣校勘太常博士賜紺魚袋陳祥道

前有祥道自序次題門人章粹校勘晁氏讀書志云王介甫論語注其子雱作口義其徒陳用之作解紹聖後皆行於場屋爲當時所重云云是本前標真本入經之題殆卽其義耶祥道長於三禮之學所作禮書世稱精博故詮釋論語亦於禮制尤爲明晰此舊鈔本曾進四庫館採錄發還者故有翰林院印

張狀元孟子傳二十九卷

寫本

古瀋州袁卧雪處藏書

皇朝太師崇國文忠公臨安府鹽官張九成字子韶

按季滄葦書目題九成孟子解三十二卷汲古閣有影宋精鈔本按文忠爲理宗寶慶初所賜謚則宋刊當在寶慶以後也此爲四庫館底稿退乘之帙當時悉從宋本錄出第行款不同耳前有翰林院典籍印九成又號無垢居士自開封徙錢塘紹興二年進士厯宗正少卿兼權刑部侍郎忤秦檜誣以謗訕謫居南安軍檜死起知溫州丐祠歸卒宋史有傳

國朝諸老先生論語精義二十卷孟子精義十四卷

明鈔本

朱子於乾道壬辰取二程張子及范祖禹呂希哲呂大臨謝良佐游醉楊時候仲良伊培周子先諸老先生之說薈萃條疏名曰精義自爲之序各有綱領一篇列於前白紙朱絲闡十行寫本字畫精工當爲明人手筆

大學章句一卷中庸章句一卷論語集注十卷孟子集注十四卷元

刊宋本

袁又齋藏書

是書版心均題晦庵大學中庸論語孟子等字每葉十四行行  
大字十五小字雙行魚尾上有字數每卷後有音攷凡一節之  
義一章之旨一篇之凡皆有旁抹衍文如圓圓誤字加方圓主  
意字眼加上下圓圓其中大學維新作惟新中庸蛟龍作蛟龍  
攷諸三王而不謬謬作繆論語女得人焉耳乎耳作爾忽然在  
後作忽焉沒階趨進無進字冉子退朝作冉有孟子古公亶父  
作亶甫井地不均作不鈞有小人之事作小民此率獸而食人  
歟上有禽字必至于斂作必志其注之異者大學中欲其必自  
慊作欲其一於善之類皆與陳饑經籍跋文所記湧祐本合又  
攷楊士奇東里文續編四書集注跋云句讀旁抹之法兼取勉  
齋黃氏北山何氏魯齋王氏導江張氏諸本之長宣城張師曾  
爲之參校加以音攷蓋今之最善本也刻版在常州府學此則  
句讀旁抹音攷一一暗合中庸末有平江章有常刊六字其爲

常州版所出無疑矣有萬卷堂印吳越錢氏鑒藏書畫顧曾壽項氏世家項氏少谿主人子信家藏袁又愷藏書卷石山房鴻城蔣培澤印介青諸圖記又有高望曾爲介青藏護是書題記少溪主人者明嘉興項夢原別號也夢原爲篤壽之子萬曆己未進士

四書二十六卷明吉府翻正統經版木

大學朱子章句前有淳熙己酉二月甲子新安朱子序後附大學或問中庸朱子章句前有淳熙己酉春三月戊申新安朱子序後附中庸或問論語十卷前有朱子集注序說孟子十四卷前有朱子集注序說後附讀論語孟子法有吉府圖書大方印按周宏初輯古今書刻吉府刊四書集注常卽翻正統司禮監刊本故蓋印於每卷之前

大學章句一卷中庸章句一卷論語集注十卷孟子集注十四卷明

各書前均有朱子序及序說又讀論語孟子法並有嘉靖戊申十月伊藩掌國正派體元子親筆撰序於欽賜正誼樓云予於嘉靖乙巳奏請頒降五經四書等書以備觀覽既而小兒輩少知向學紀善伴讀等官持南版四書以進紙粗字譌有誤後學因命工正官將原頒官本四書翻刻傳之子孫貽於後世云所謂原頒官本四書卽正統間司禮監所刊之五經四書也行寬字大樞印頗精翻刻悉仍舊觀惟無大學中庸或問耳

蒙齋中庸講義四卷

鈔本

宋袁甫撰

按甫字廣微鄞縣人變子嘉定間進士官至吏部侍郎權兵部尚書謚正肅宋史有傳朱氏經義攷載甫有中庸詳說二卷注曰已佚此從大典鈔本出或卽詳說之別名此書所闡多陸氏

藏書志卷四

六

宗旨蓋嘗受業於楊簡其源皆出於九淵也

新編待問集四書疑節十二卷

吟雪山房鈔本  
書

十萬卷樓王氏藏

此書爲元袁俊翁撰俊翁字敏齋袁州人前有大德庚子黎立武序謂吾所以藉予文重吾榜者爲其道之合也次有同時李應星序稱其奕奕魁文是嘗舉於鄉也又有至大辛亥延祐乙卯彭元龍兩序及至治改元俊翁自序卷前題有溪山家塾刊行六字蓋猶元槧舊式也惟黎李彭序中並稱經史疑義又曰四書經疑似當時所著不止疑節一書首標新編待問集或其總名所稱疑義及經疑俱已佚失僅存此帙或四書疑原書甚富此爲節本歟其例以四書之文互對爲題或同而異或異而同或闡義理或用攷證設問設答皆循當時科舉之學有十萬

卷樓藏書端履圖書小穀諸圖記

四書經疑貫通八卷

舊鈔本

古潭州袁臥雪廬藏書

進士王充耘與耕講授進士黃紹仲紹撰續

黃虞稷于頃堂書目謂此書已佚此從范氏天一閣藏本錄出  
經進 四庫館校錄事竣發還之書故上有翰林院印充耘著  
有讀書管見此以四書同異參互比較各設問答以明之蓋延  
祐科舉經義之外有經疑此書要爲程試之式有古潭州袁卧  
雪廬收藏印

四書通旨六卷 鈔本

元朱公遷撰

是書取四書之文規分縷析各從其類爲九十八門每門中又  
以語意相近者聯繹臚列一一辨別異同各以右明某意云云  
標立言之宗旨昔程子嘗以此法教學者而公遷推廣以成之  
也公遷別著詩傳疏義

重訂輯釋章圖通義大成大學章句一卷或問一卷中庸章句一卷

嘉善志卷四

七

或問一卷論語集注二十卷孟子集注十四卷四書章圖隱括總要  
發義二卷新刊重訂輯釋通義源流本末一卷元刊本

大成題新安道川倪士毅重訂輯釋題新安東山趙汸同訂鄱  
陽克升朱公遷約說題新安林隱程復心章圖莆田後學王元  
普通攷後學鄱陽王逢訂定總要題林隱程復心了見經進源  
流題松鴻門人京兆劉用章輯有至正丙戌長至後七日新安  
汪克寬序及重訂姓氏凡例源流惜已殘闕僅總要二卷全耳  
四書管窺三十六卷鈔本

後學東嘉史伯增文璣述

按伯增字文璣溫州平陽人提要據所作管窺外篇成於至元  
丁未即元亡之年計其人當已入明然始末不可考且以原本  
殘闕惟大學中庸孟子尙全論語則十一篇以下佚故析爲八  
卷此則論語先進至堯曰不佚前有管窺大意十一條又至正

丙戌伯璿自志云幼而廢學辛酉春秋二十有三始以書籍自課自辛酉至丙戌歷二十四年成此書時年四十八歲下數至丁未則已六十九矣提要謂其人已入明代信不誣也其書取四書通纂疏集成輯講四編篇首所筆者聚爲一帙後又得發明考證叢說三編觀之又以三編所見共爲一帙合此二帙而一之名以管窺則後至元丙子所成也其書於與集注異同者各加論辨於下論說之矛盾者亦爲條列釐訂於朱子之學頗有闡發周宏祖古今書刻載浙江溫州府湖廣黃州府並有刊本此不知從何本錄出者

四書大全三十六卷

明官刊本

明永樂十三年翰林學士胡廣等奉敕撰前有凡例引用先儒姓氏奉敕纂修臣胡廣楊榮金幼孜等四十二人銜名書爲大學章句大學或問中庸章句中庸或問論語集注孟子集注大

抵因倪士毅四書輯釋畧加點竄有明取士惟以四書義爲重  
凡所研究辨訂者亦惟以此書爲尊洵一朝典制之所關也  
大學章句大全一卷中庸章句大全一卷論語集句大全二十卷孟  
子集注大全十四卷高麗刊本

明永樂翰林學士胡廣等奉敕所撰前有大學讀法中庸讀法  
而皆無或問亦無纂修四十二臣銜名蓋高麗翻雕本也棉紙  
墨印殊有可觀

重刊蔡虛齋先生四書蒙引十五卷明萬曆刊本

前有宏治甲子晉江蔡清初稿自序首有萬曆丁亥山東提刑  
按察司副使汝南吳同春重刻序曰邇年士務便捷閱是書者  
不謂其庸則笑其迂其以了悟自負者曰經書亦糟粕筌蹠耳  
何有蒙引是無怪今之學者談理爲文而無當也直指毛公按  
東土既士之剽竊空疏去古益遠檄麟司刻之鹹使甘君名一

驥而經歷戴相堯督工其勢亦不可泯毛名在太倉人同春固始人致此書尙有嘉靖中武進莊煦參校初後二稿本別附已語編爲一卷此其初稿而刻在嘉靖後也

重訂四書說叢十七卷

明刊本

虎林沈守正無回輯

前有萬曆乙卯守正自序次天啟丁卯錢塘章炫然序次參閱姓氏凡三十五人仁和錢塘人爲多次引用書目次凡例六則有畏天之威于時保之一印當爲東瀛藏本流歸中華者

四書留書六卷

錢本

古臨章世純著

世純字大力臨川人天啟辛酉舉人官彬州府知府聞流寇陷京師悲憤卒明史附文苑艾南英傳是書分章抒論往往於文字之外標舉精義發前人所未發明史藝文志入子部儒家類

四庫採其內集六卷入之經部真定論也

顧文端大學通攷一卷質言一卷大學重定一卷

明鈔本  
載舊

曹樸亭

錫山涇皋顧諗成

按憲成字叔時無錫人萬曆庚辰進士官吏部文選司副籍歸起南京光祿少卿不赴終於家崇禎初贈吏部右侍郎諡文端明史有傳著有小心齋劄記及遺書三十七卷是編三种想初刻者不列焉是書列戴記本石經本程子伊川改定本朱子晦庵改定本朱子大學序朱子大學或問東發黃氏希古方氏虛齋蔡氏陽明王氏甘泉湛氏整庵羅氏元庵穆氏順渠王氏泰泉黃氏莊渠魏氏養齋徐氏鹿園萬氏心齋薛氏近溪羅氏詡齋吳氏見羅李氏曙臺唐氏諸家之說同異得失大要具是矣後附憲成自著大學質言一卷大學重定一

卷萬歷戊子憲成自題并其弟允成題辭有棟亭曹氏藏書長  
白敷槎氏謹齋昌齡圖書印棟亭名賓字幼亭奉天人官通政  
使掌織造鹽政十餘年竭力以事鉛槧刊有五韻并棟亭十二  
種得者珍之昌齡字謹齋號敷槎姓富察氏滿洲人雍正癸卯  
進士官翰林院侍講學士性耽書史築謙益堂丹鉛萬卷錦軸  
牙籤爲一時之冠

右四書類

經部九

樂書要錄三卷影寫東瀛活字本

按阮氏學經室外集載此書爲唐武后撰唐書藝文志著錄十  
卷宋志未見闕佚久矣此東瀛活字印本僅存第五第六第七  
三卷其中所引古籍如月令章句五經通義三禮義宗信都芳  
刪注樂書蘇夔樂志皆世所罕覩未嘗不藉是以存其崖畧至

所列旋宮之法十二相生之圖尤足以備參攷此從活字本影寫也

樂書二百卷 元至治刊本 袁徵六藏書

右書爲宋陳暘撰前列楊萬里序次宣德郎祕書正字臣陳暘進表并序次趙挺之請寫錄樂書劄子准行詔旨目錄前題迪功郎建昌軍南豐縣主簿林宇冲校勘按暘字晉之福州人中紹聖制科授順昌軍節度推官以勸導紹述得太學博士禮部侍郎撰禮書之陳祥道乃其兄也自云閉戶四十年始成此書建中靖國初表上於朝中更喪亂不傳於世至慶元庚申其鄉人陳氏岐訪得之屬弟子林宇冲刻之故目錄前題有銜名也此元至治依宋刊本每半葉十三行行二十一字有古潭州袁氏卧雪廬藏書印

瑟譜六卷

舊鈔本

李伯雨藏書

元熊朋來撰

是書大旨以爲在禮堂上侑歌惟瑟爲古人所重他絃莫侑也  
自瑟教廢而歌詩者莫爲之譜因援古義參以新意定爲一編  
首爲瑟絃律圖次爲旋宮六十調圖次爲雅律通俗譜例次爲  
指法次爲詩舊譜次爲詩新譜次爲樂章譜終之以瑟譜後錄  
有宣城李氏瞿硎石室圖書李之鄧印二圖記

大樂律呂元聲六卷附律呂攷注四卷

明刊本  
劉氏世學樓藏書

莆田兩山李文利著

按文利字乾遂成化庚子舉人官恩南府教授是書據呂氏春  
秋黃鍾長三寸九分之說駁司馬遷黃鍾長九寸之誤有凡例  
七條以伸其論有宏治辛酉孟秋李元嘉靖三年正月桂陽門  
人范輅兩序後有嘉靖二年七月日巡按四川監察御史范永  
鑒題稱臣師李文利并其兄李元臣叔范輅互相發明臣不爲

藏書目志卷四

三

表白文利之志終不能伸而音樂之正否治道之隆污終無以攷驗乃謄寫上獻乞敕儒臣再加詳議云云有會稽鉏氏世學

樓圖籍印

逸語八卷

明鉏本

韓小亭藏書

前有正統七年壬戌八月望永嘉逸庵賀隆自序云課耕之餘留意典籍見所謂黃鍾者萬事之本根也未知何謂久而畧識蓋黃鍾既爲十二律之始而十二律又所以調陰陽制聲樂其他如度量權衡之作無不從此而出以至於天體日月之行度亦不離於數學而數學又未始不本於黃鍾長短之諸數也所謂萬事根本者豈不信哉檢閱諸書有載十二律之數者多有不同而同者反覆詳究得見其槩爲之疏說先之以十二律之諸數而次之以十二卦逐月以配十二律所以見天地陰陽消長之理又繼之以天體日月每日所行之度數皆不出於黃鍾

之外此固區區愚見也其子倍梓於家同邑王瓚陳文旦謝暹爲前後序有玉雨堂韓氏藏書印玉雨堂者錢塘韓華藏書處也泰華字小亭官陝西糧儲道博雅好古著有元文選惜燬於亂

樂律纂要一卷明刊本

會稽李本纂

前有嘉靖己亥南充王廷序又本自序後有長沙熊宇跋

苑洛志樂二十卷明刊本

前有宏治十七年三月中旬苑洛子韓邦奇自序并律呂直解  
自序按邦奇字汝節朝邑人正德戊辰進士官至南京兵部尚  
書謚恭簡事蹟具明史本傳此前二卷取律呂新書爲之直解  
後十八卷則其所自著於律呂之原在明季中所得獨密前有  
正德間何景明律呂直解序又有嘉靖戊申南京都察院經歷

門人王宏序後有潼川門人張文龍南京吏部驗封司主事容城門人楊繼盛兩序

樂經元義八卷

明刊本

南宮微山劉濂著

是書一曰律呂篇二曰八音篇三曰萬舞篇四至七曰古詩音調篇八曰微言篇前有嘉靖二十九年自序濂字濬伯南宮人正德辛巳進士官至監察御史

樂律全書四十七卷

明刊本

鄭世子載堉謹撰

按明史鄭恭王厚烷以言時政獲罪降爲庶人錮之鳳陽子載堉痛父見繫築土室宮門外席藁獨處者十九年厚烷還邸始入宮上算歷歲差法及所著樂律書攷辨詳確識者稱之卒謚端清是書爲律呂精義內篇十卷外篇十卷律學新說四卷學

樂新說一卷算學新說一卷聖壽萬年歷二卷萬年曆備攷三  
卷律歷融通四卷附錄一卷操綴古樂譜一卷旋宮合樂譜一  
卷鄉飲詩樂譜六卷六代小舞譜一卷小舞鄉樂譜并二佾綴  
兆圖一卷靈星小舞譜一卷共四十七卷前各有自撰表序題跋

律呂元音二卷精寫本

康親王蘭亭主人鑒訂

前有乾隆三十四年康親王自序并康親王蘭亭主人兩印當  
爲精寫稿本序云暇日將古今音律京房律譜唐順之求元聲  
法與夫詩歌詞曲之淵源及諸賢之論作共爲一書以見詩歌  
之聲律本不出乎樂也

樂述三卷精寫本孫淵如藏書

毛乾乾撰乾乾初名惕字心易後更今名別號用九楚之黃岡

人徙居江西德化爲諸生毅然以明道爲已任築室匡廬山學者稱匡山先生所著自此書外有易述書述大學述中庸述測天偶述推算偶述諸書此書上卷爲審音中卷爲制器下卷爲播樂爲徵古各爲圖說前有上蔡東岡居人張沐序稱楚貢毛子心易博聞強記尤精聲律入山十年靜悟思通著樂述上中下卷述絕世俗之說辨證先儒之誤攷據經書及百家言務求體驗有合身心實理施之器數無有乖戾毛子真偉人也又荆溪潘元豐序稱古之言樂者多矣或能言其理而未通諸器或能習其器而未求諸理毛先生出悟其理攷其器理器交通遂使數于載不傳之指於今復明其自序云明李文利王邦直瞿慕川輩始知律呂升降之分以黃鍾蕤賓爲中稍與造化之理不戾然其所定分寸之數皆未當也獨瞿疑古諸篇辨析精明一洗從前穿鑿之談深得先生遺意善乎陳明卿之評曰余未

敢忘信瞿而信瞿之所疑斯爲深知瞿者余舊讀其書而有感焉因立著爲一編大要本瞿意而擴充之非敢好爲奇說要期無背於古聖人遺意云瞿子名九思字睿夫慕川其號也明萬曆時楚黃梅人又自識云是編始於壬申閉戶匡山二載始得脫稿再易之於石門三易之於武江四易之於義興今又五易稿矣自甲戌出山浪遊楚豫以至江南得力於同人者不少圖徑一事講求更悉抵宣城得梅勿庵先生指授而明十載嘔心頗無遺憾可以知其大槩矣有孫氏伯淵印伯淵名星衍字季述一號淵如陽湖人乾隆丁未第二人及第官至山東督糧道性好聚書聞人家藏有善本借鈔無虛日有孫氏家藏書目內編四卷外編三卷

律呂闡微十卷寫本 袁瀨六藏書

婺源江永慎修著

是書大旨以鄭世子樂書爲宗惟方圓周徑用密率起算與之  
稍異雖屬近著傳本殊稀此猶進呈四庫館之稿本上加翰  
林院印發還者存之以見閣書規模有古潭州袁卧雪廬收藏  
一印

右樂類

善本書室藏書志卷四終